

ახმეტის მუნიციპალიტეტის საკრებულოს

ბიუროს სხდომა

ოქმი №3

ქ. ახმეტა

27 თებერვალი, 2019 წელი

თავმჯდომარეობდა:

თ.ყეინიშვილი-ახმეტის მუნიციპალიტეტის

საკრებულოს თავმჯდომარე

ბიუროს სხდომას ესწრებოდა:

რ. ბაღავაშვილი, ბ.ჭიჭივლიშვილი

ლ.ითიურიძე, ა.მექევრიშვილი, ა.ბულრიძე

დ.იმერლიშვილი, ა.შათაირიშვილი

ნ.ალავიძე, თ.ბოდაველი, გ.წითელაური

მუნიციპალიტეტის მერის

მოადგილე: ვ.ნასყიდაშვილი,

საფინანსო-საბიუჯეტო სამსახურის

უფროსი - მ.მაისურაძე

სხდომა გაიხსნა 11<sup>00</sup> საათზე.

სხდომის თავმჯდომარე თ.ყეინიშვილმა გახსნა სხდომა და ბიუროს წევრებს გააცნო დღის წესრიგი.

დღის წესრიგი:

1. ახმეტის მუნიციპალიტეტის 2019 წლის ბიუჯეტის დამტკიცების „შესახებ“ ახმეტის მუნიციპალიტეტის საკრებულოს 2018 წლის 25 დეკემბერის #66 დადგენილებაში ცვლილების შეტანის თაობაზე;

/მომხსენებელი - არსენ ბუღრიძე/

2. „ახმეტის მუნიციპალიტეტის სამსახურებრივი უფლებამოსილების განსახორციელებლად საჭირო ავტოპარკის გადანაწილების, კლასიფიკაციისა და შესყიდვის წესის დამტკიცების შესახებ“.

/მომხსენებელი - ილია გუმაშვილი/

3. საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის პროექტების თაობაზე ახმეტის მუნიციპალიტეტის მერის მიერ წარმოდგენილი საპროექტო წინადადების მოწონების შესახებ;

/მომხსენებელი - ვანო ნასყიდაშვილი/

4. „ახმეტის მუნიციპალიტეტის საკუთრებაში არსებული, ძირითადი საშუალების აქტიური ნაწილის „გრეიიდერის“ ააპ „ახმეტის მუნიციპალიტეტის კეთილმოწყობისა და გარეგანათების სამსახური“-სათვის პირდაპირი განვარგვის წესით, თხოვების ფორმით გადაცემაზე თანხმობის მიცემის შესახებ“.

/მომხსენებელი - თინათინ კუდიანაშვილი/

5. „ახმეტის მუნიციპალიტეტის საკუთრებაში არსებული, დუისის კულტურის სახლის I და II-სართულზე არსებული 341.7 კვ.მ. არასაცხოვრებელი დანიშნულების ფართის ა(ა)იპ „კახეთის რეგიონალური განვითარების ფონდი“-სთვის პირდაპირი განვარგვის წესით, იჯარის ფორმით გადაცემის თაობაზე თანხმობის მიცემის შესახებ“.

/მომხსენებელი - თინათინ კუდიანაშვილი/

6. „ახმეტის მუნიციპალიტეტის საკუთრებაში რეგისტრირებული, დუისის ყოფილი ტერიტორიული ორგანოს ადმინისტრაციული შენობის მეორე სართულზე არსებული 42.12 კვ.მ ფართის ელექტრონული აუქციონის წესით, იჯარის ფორმით განვარგვისას, საიჯარო ქირის საწყისი წლიური საფასურის ოდენობის დამტკიცების შესახებ“.

/მომხსენებელი - თინათინ კუდიანაშვილი/

7. „ახმეტის მუნიციპალიტეტის საკუთრებაში რეგისტრირებული, მატნის კულტურის სახლის შენობის პირველ სართულზე არსებული 119 კვ.მ ფართის ელექტრონული აუქციონის წესით, იჯარის ფორმით განვარგვისას, საიჯარო ქირის საწყისი წლიური საფასურის ოდენობის დამტკიცების შესახებ“.

/მომხსენებელი - თინათინ კუდიანაშვილი/

ბიუროს სხდომის თავმჯდომარემ კენჭი უყარა დღის წესრიგის მიღებას

9 - მომხრე;

2-კენჭისყრაში მონაწილეობა  
არ მიიღო;

მოისმინეს: „ახმეტის მუნიციპალიტეტის 2019 წლის ბიუჯეტის დამტკიცების შესახებ” ახმეტის მუნიციპალიტეტის საკრებულოს 2018 წლის 25 დეკემბერის #66 დადგენილებაში ცვლილების შეტანის თაობაზე;

მომხსენებელმა გააცნო ინფორმაცია ბიუჯეტში შესატანი ცვლილებების შედეგად შესახებ(განმარტებითი ბარათი თან ერთვის ოქმს): წარმოდგენილი ცვლილებების შედეგად მუნიციპალიტეტის 2019 წლის დამტკიცებული ბიუჯეტის მოცულობა იზრდება 2130,8 ათასი ლარით, მათ შორის მთავრობის განკარგულებებით გამოყოფილი ტრანსფერებია 2115,8 ათ. ლარი, ხოლო ადგილობრივი ბიუჯეტის შემოსავლები 15,0 ათ. ლარი. აღნიშნა, საჯარო სკოლების შესახებ, რომლის ინფრასტრუქტურის მოწყობაც მუნიციპალიტეტს დაევალა.

შ.ტერტერაშვილი დაინტერესდა, კერძოდ რომელ სკოლებზე იყო საუბარი, რაზეც მომხსენებელმა უპასუხა, რომ განათლების სამინისტრო და მუნიციპალიტეტი გადაწყვეტს ერთობლივად, საჭიროების მიხედვით.

შ.ტერტერაშვილმა ყურადღება გაამახვილა ქ.ახმეტაში, ცენტრალურ გზებზე საგზაო ნიშნების არარსებობის და მათ შემდგომ განთავსებაზე მომრაობის დარეგულირების მიზნით.

ვ.ნასყიდაშვილმა აღნიშნა, რომ საკითხი მოწესრიგდება, საჭიროა კომპეტენტური პირი, რომელიც საჭირო სამუშაოს შეასრულებს.

სხდომის თავმჯდომარემ კენჭი უყარა საკითხის საკრებულოს სხდომაზე გატანას

9 - მომხრე;

2-კენჭისყრაში მონაწილეობა

არ მიიღო;

მოისმინეს: „„ახმეტის მუნიციპალიტეტის სამსახურებრივი უფლებამოსილების განსახორციელებლად საჭირო ავტოპარკის გადანაწილების, კლასიფიკაციისა და შესყიდვის წესის დამტკიცების შესახებ“.

მომხსენებელმა გააცნო პროექტი დამსწრე წევრებს (განმარტებითი ბარათი თან ერთვის ოქმს):  
ნორმატიული აქტის პროექტის მიღების საჭიროება გამოწვეულია იმით, რომ ახმეტის მუნიციპალიტეტის საკრებულოს მიერ არ არის მიღებული ნორმატიული აქტი, რომლითაც დარეგულირებული იქნებოდა მუნიციპალიტეტის სამსახურებრივი უფლებამოსილების განსახორციელებლად საჭირო ავტოპარკის გადანაწილების წესი. საქართველოს მთავრობის მიერ 2014 წლის 6 თებერვალს მიღებულია №121 დადგენილება, რომელიც ადგენს ერთან სტანდარტს აღმასრულებელი ხელისუფლების დაწესებულებებისათვის მსუბუქი ავტომობილების განპიროვნებული და მორიგე ფუნქციების განაწილებისა, ახდენს ავტომობილების კლასიფიკაციას, განსაზღვრავს მინიმალურ ტექნიკურ მითხვივნებსა და ზღვრული ფლობის ღირებულებას. აღნიშნული განსაზღვრავს აქტის პროექტის მიზანს წარმოადგენს ახმეტის მუნიციპალიტეტის სამსახურებრივი დადგენილებით ადგილობრივი თვითმმართველობის ორგანოებს ეთხოვათ მუნიციპალიტეტის ავტოპარკის გადანაწილების, კლასიფიკაციისა და სამსახურებრივი ავტომობილების შესყიდვის წესის თაობაზე მიიღონ ნორმატიული აქტი, მთავრობის დადგენილებით განსაზღვრული წესისა და პრინციპების შესაბამისად.

ნორმატიული აქტის პროექტის მიზანს წარმოადგენს ახმეტის მუნიციპალიტეტის სამსახურებრივი უფლებამოსილების განსახორციელებლად საჭირო ავტოპარკის გადანაწილების, კლასიფიკაციისა და

შესყიდვის წესის დამტკიცება. პროექტის მიხედვით მუნიციპალიტეტის ორგანოებისათვის დადგენილი იქნება მსუბუქი ავტომობილების ფუნქციების განაწილების ერთიანი სტანდარტი, მოხდება ავტომობილების კლასიფიკაცია და განსაზღვრული იქნება მინიმალური ტექნიკური მოთხოვნები. პროექტის მიხედვით 100 საშტატო ერთეულამდე 20 საშტატო ერთეულზე განსაზღვრული იქნება 1 სამორიგეო ავტომობილი, ხოლო 100-ის ზევით ყოველ 50 საშტატო ერთეულზე 1 სამორიგეო ავტომობილი. განპიროვნებული ავტომობილი შეიძლება გააჩნდეს საკრებულოს თავმჯდომარეს და თავმჯდომარის მოადგილეს, მუნიციპალიტეტის მერს, მერის მოადგილეებს (არაუმეტეს ორი). პროექტში ასევე მოცემულია მუნიციპალიტეტის მიერ ავტომობილის შესყიდვის წესი, ელექტრონულ ტენდერში გამარჯვებულ პრეტენდენტთან ხელშეკრულების დადგების პროცედურა. ზღვრული ფლობის ღირებულება მსუბუქი ავტომობილებისთვის განსაზღვრულია 16800 დოლარის ეკვივალენტი ლარში, ხოლო მსუბუქი მაღალი გამავლობის ავტომობილებისთვის 24300 დოლარის ეკვივალენტი ლარში.

შ.ტერტერაშვილმა კითხვა დასვა დადგენილების მე-3 მუხლის „გ“ და „დ“ პუნქტებთან დაკავშირებით: ჩანაწერი საშტატო ნუსხის გათვალისწინებით მოხდა, თუ კანონის თანახმად, და აღნიშნა, რომ უმჯობესია, ჩაიწეროს ზოგადი სახით, რადგან თანამდებობის პირთა რაოდენობის ცვლილების შემთხვევაში დადგენილების პროექტის ხელახალი მიღება გახდება საჭირო.

ბიურო მიიღო გადაწყვეტილება საკრებულომ იმსჯელოს აღნიშნულ საკითხზე.

სხდომის თავმჯდომარემ კენჭი უყარა საკითხის საკრებულოს სხდომაზე გატანას, ბიუროს გადაწყვეტილების გათვალისწინებით

9 - მომსრე;

2 - თავი შეიკავა;

მოისმინეს: საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის პროექტების თაობაზე ახმეტის მუნიციპალიტეტის მერის მიერ წარმოდგენილი საპროექტო წინადადების მოწოდების შესახებ;

მომხსენებელმა გააცნო დამსწრე წევრებს ახმეტის მუნიციპალიტეტის მერის მიერ წარმოდგენილი საპროექტო წინადადების შესახებ, რომელიც ეხება ქ.ახმეტაში კოსტავას ქუჩის რეაბილიტაციას.

სხდომის თავმჯდომარემ კენჭი უყარა საკითხის საკრებულოს სხდომაზე გატანას, რასაც ერთხმად დაუჭირეს მხარი.

მოისმინეს: „ახმეტის მუნიციპალიტეტის საკუთრებაში არსებული, ძირითადი საშუალების აქტიური ნაწილის „გრეიდერის“ ააიპ „ახმეტის მუნიციპალიტეტის კეთილმოწყობისა და გარეგანათების სამსახური“-სათვის პირდაპირი განკარგვის წესით, თხოვების ფირმით გადაცემაზე თანხმობის მიცემის შესახებ“.

მომხსენებელმა გააცნო განკარგულების პროექტი ბიუროს წევრებს: „გრეიდერი” არის მერიის ბალანსზე. საჭიროებებიდან გამომდინარე, კერძო პირების მიერ არის მასზე მოთხოვნა. ჩვენ არ გვაქვს უფლება მისი გაქირავების, რის გამოც მივიღეთ გადაწყვეტილება გადავცეთ ა(ა)იპ-ს. საკითხთან დაკავშირებით იყო აზრთა სხვადასხვაობა: სად წავა შემოსული თანხა, ან ვინ უზრუნველყოფს მის შერემონტებას.

ა.ბუღრიძე: თანხა აისახება ბიუჯეტში.

სხდომის თავმჯდომარემ კენჭი უყარა საკითხის საკრებულოს სხდომაზე გატანას, რასაც ერთხმად დაუჭირეს მხარი.

მოისმინეს: „ახმეტის მუნიციპალიტეტის საკუთრებაში არსებული, დუისის კულტურის სახლის I და II-სართულზე არსებული 341.7 კვ.მ. არასაცხოვრებელი დანიშნულების ფართის ა(ა)იპ „კახეთის რეგიონალური განვითარების ფონდი“-სთვის პირდაპირი განკარგვის წესით, იჯარის ფორმით გადაცემის თაობაზე თანხმობის მიცემის შესახებ”.

საკითხის განხილვას ესწრებოდა ა(ა)იპ „კულტურის ცენტრის“ დირექტორი კასა მამულაშვილი.

მომხსენებელმა გააცნო განკარგულების პროექტი დამსწრე წევრებს: ა(ა)იპ -„კახეთის რეგიონალური განვითარების ფონდი“-სთვის ახმეტის მუნიციპალიტეტის საკუთრებაში არსებული დუისის კულტურის სახლის I და II-სართულზე არსებული 341.7 კვ.მ. არასაცხოვრებელი დანიშნულების ფართის სარგებლობის უფლებით, იჯარის ფორმით გადაცემის შესახებ. წლიური ქირის საფასურია 2136.0 ლარი. სარგებლობის უფლებით გადაცემის ვადა 5(ხუთი) წელი. მომხსენებელმა აღნიშნა, რომ ფონდი ადრევე ფლობდა ამ ფართს და საკუთარი ხარჯით გაარემონტა.

საკითხთან დაკავშირებით კ.მამულაშვილმა გააკეთა ვანმარტება: აღნიშნულ ფართში იმყოფება საკლუბო გაერთიანება, რომელსაც ჰყავს 2 თანამშრომელი, თუ ფართი სხვის სარგებლობაში გადავა, საკლუბო გაერთიანების არსებობას აზრი არ ექნება და სოფელიც დაზარალდება, რადგან მოსახლეობის მოთხოვნაა იყოს იქ დარბაზი, სადაც ჩატარდება სხვადასხვა კულტურული ღონისძიებები და სწავლებები.

ევონომიკისა ქონების მართვის საკითხთა კომისიის გადაწყვეტილებით პროექტის აფტორს მიეცა რეკომენდაცია, წლიური ქირის საფასური გაიზარდოს 3000.0 (სამი ათასი) ლარამდე.

ბიუროს წევრებმა იმსჯელეს და მიიღეს გადაწყვეტილება: მერიის შესაბამისმა სამსახურმა ხელმეორედ განიხილოს საკითხი, მოხდეს მხარეების შეთანხმება, წლიური ქირის საფასური შეიცვალოს და საკრებულოს სხდომაზე შემოვიდეს შესწორებული სახით.

სხდომის თავმჯდომარემ კენჭი უყარა საკითხის საკრებულოს სხდომაზე გატანას, ბიუროს გადაწყვეტილების გათვალისწინებით, რასაც ერთხმად დაუჭირეს მხარი.

მოისმინეს: „ახმეტის მუნიციპალიტეტის საკუთრებაში რეგისტრარებული, დუისის ყოფილი ტერიტორიული ორგანოს ადმინისტრაციული შენობის მეორე სართულზე არსებული 42.12

მოისმინეს: „ახმეტის მუნიციპალიტეტის საკუთრებაში რეგისტრირებული, დუისის ყოფილი ტერიტორიული ორგანოს ადმინისტრაციული შენობის მეორე სართულზე არსებული 42.12 კვ.მ ფართის ელექტრონული აუქციონის წესით, იჯარის ფორმით განკარგვისას, საიჯარო ქირის საწყისი წლიური საფასურის ოდენობის დამტკიცების შესახებ”.

მომხსენებელმა გააცნო განკარგულების პროექტი ბიუროს წევრებს: ფართი გადაცემული იყო ხელშეკრულებით, რომელსაც გაუვიდა ვადა. მოგვმართა პიროვნებამ და ხელახლა გაგვაძვს აუქციონზე. სარგებლობის უფლებით გაცემის წლიური ქირის საწყისი საფასურია- 385.0 (სამას ოთხმოცდახუთი) ლარი, სარგებლობის უფლებით გადაცემის ვადა 5(ხუთი) წელი.

სხდომის თავმჯდომარემ კენჭი უყარა საკითხის საკრებულოს სხდომაზე გატანას, რასაც ერთხმად დაუჭირეს მხარი.

მოისმინეს: „ახმეტის მუნიციპალიტეტის საკუთრებაში რეგისტრირებული, მატნის კულტურის სახლის შენობის პირველ სართულზე არსებული 119 კვ.მ ფართის ელექტრონული აუქციონის წესით, იჯარის ფორმით განკარგვისას, საიჯარო ქირის საწყისი წლიური საფასურის ოდენობის დამტკიცების შესახებ”.

მომხსენებელმა გააცნო პროექტი დამსწრე წევრებს. სარგებლობის უფლებით გაცემის წლიური ქირის საწყისი საფასურია, საწყისი საპრივატიზებო საფასურის არანაკლებ 10% - 952.0 ლარის ოდენობით. სარგებლობის უფლებით გადაცემის ვადაა 5(ხუთი) წელი.

შ.ტერტერაშვილმა გამოთქვა აზრი ვადის შემცირების შესახებ იმ მიზეზით, რომ ეს არის ერთადერთი შენობა, რომელიც სოფლის მომავალი განვითარების საქმეში შეიძლება გამოვიყენოთ. აქ შეიძლება განთავსდეს პოლიკლინიკა, რწმუნებულის აპარატი, შეიძლება გადმოტანილი იქნას საბავშვო ბაღი და სხვა. ან, შევამციროთ საფასური და შევთავაზოთ განმცხადებელს ფასადი შეარემონტოს. ვფიქრობ, მატნის მაჟორიტარმა საკრებულოს წევრმა, რწმუნებულმა, ჩვენ,- ერთად უნდა გავიაროთ და დავგეგმოთ ეს საკითხი.

სხდომის თავმჯდომარემ კენჭი უყარა საკითხის საკრებულოს სხდომაზე გატანას

10-მომხრე;

1-წინააღმდეგი;

სხვა კითხვები და წინადადებები არ ყოფილა.

ბიუროს სხდომა დაიხურა 12<sup>40</sup> საათზე.

საკრებულოს თავმჯდომარე



თ.ყეინიშვილი